



OPTUŽEN DUŠAN GAVRAN

Primio kovertu sa 2.000 KM

SARAJEVO - Godinu i po dana nakon što je uhapšen Dušan Gavran (57), nekadašni direktor Centra za uklanjanje mina u BiH (BH MAC), naći će se na optuženičkoj klupi zbog zloupotrebe položaja i falsifikovanja dokumentacije.

Naime, Tužilaštvo BiH objelodanilo je juče optužnicu protiv njega i prosljedilo je Sudu BiH na potvrđivanje.

Kako je saopšteno iz ove pra-

vosudne institucije, njega terete da je u avgustu 2009. godine kao direktor Centra prekoracio svoja ovlaštenja i odobrio plan operacije deminiranja za jednu kompaniju, iako je znao da je dokument krivotvoren.

"Tada je uzeo i prisvojio kovertu u kojoj se nalazilo 2.000 KM, čime je stekao protivpravnu imovinsku korist", rečeno je u Tužilaštvu BiH.

Drugi slučaj zbog kojeg Tuži-



laštvo tereti Gavrana desio se u maju 2012. godine.

Prema navodima optužnice, on je tada jednoj humanitarnoj organizaciji izdao akt kojim je priznao iskustvo BH MAC-a u operacijama čišćenja u svrhu učešća na tenderima za humanitarno deminiranje u BiH.

Međutim, u dokument je

unio neistinite podatke o realizovanim projektima u Srbiji, pri čemu je znao da organizacija ni kao izvođač ni kao podizvođač nije nikad učestvovala u operacijama čišćenja mina u ovoj zemlji.

Podsjećamo, pripadnici SIPA po naredbi Tužilaštva BiH krajem aprila prošle godine uhapsili su Gavrana i protiv njega podnijeli krivičnu prijavu pod optužbom da je zloupotrebom službenog položaja ostvario nezakonitu imovinsku korist. On je poslije 15 dana pritvora pušten da se brani sa slobode, nakon čega se vratio na posao, da bi u oktobru bio suspendovan.

Savjet ministara BiH ga je dužnosti razriješio krajem jula.

D.T.